



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel.(032)878-877

fax (032)879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi: ASA Banka d.d. Sarajevo : 1340300000007482

Raiffeisen bank d.d. BiH Sarajevo – filijala Zenica : 1610550009120069

Broj:03-2.12-1327/26

Datum:24.07.2026. godine

Direktor Javne ustanove „Dom zdravlja“ Zavidovići na osnovu člana 20a. Zakona o radu („Službene novine F BiH“ broj: 26/16, 89/18, 44/22 i 39/24), člana 4. Uredbe o postupku prijema u radni odnos u javnom sektoru u Zeničko –dobojskom kantonu („Službene novine ZE-DO kantona“ broj: 2/24) i Odluke o potrebi prijema u radni odnos broj: 03-2.11-1326/26 od 21.07.2026. godine,

JAVNI OGLAS
za prijem u radni odnos (integralni tekst)

I

Javna ustanova „Dom zdravlja“ Zavidovići , sa sjedištem u Zavidovićima na adresi Gazi Husrev-begova 25, prima u radni odnos radnika na slijedeće radno mjesto i to:

- računovođa- analitičar - 1 izvršilac.

II

Kandidati **za radno mjesto** računovođa- analitičar treba da ispunjavaju sljedeće opće uslove za prijem u radni odnos:

- da su državljani Bosne i Hercegovine,
- da su stariji od 18 godina i
- da imaju zdravstvenu sposobnost za zasnivanje radnog odnosa za radno mjesto “ računovođa-analitičar ”.

Posebni uslovi koje kandidati moraju da ispunjavaju za radno mjesto “računovođa-analitičar” su:

- Viša školska sprema ili Visoka školska sprema ekonomskog smjera-prvi ciklus
- stečeno zvanje certificarnog računovođe
- 1 godina radnog iskustva poslije stečenog zvanja certificarnog računovođe.

(Napomena :Prihvatljivo je da kandidati imaju završen VII stepen stručne spreme, uz uslov da imaju stečeno zvanje certificiranog računovođe)

III

Postupak izbora kandidata za radno mjesto računovođa- analitičar vršit će se na osnovu razmatranja dostavljene dokumentacije, te održanog pismenog i usmenog stručnog ispita sa svakim od kandidata koji je dostavio urednu, potpunu i blagovremenu prijavu.

Pismeni stručni ispit i usmeni stručni ispit za radno mjesto računovođa- analitičar sadržavat će pitanja iz oblasti Zakona o računovodstvu i reviziji u Federaciji Bosne i Hercegovine ("Službene novine FBiH 15/2021), Zakona o porezu na dohodak ("Službene novine Federacije BiH", broj: 10/08, 9/10, 44/11, 7/13 i 65/13), Zakona o porezu na dodatu vrijednost (Sl. glasnik BiH br. 9/2005, 35/2005, 100/2008, 33/2017, 46/2023 i 80/2023), Zakona o zdravstvenoj zaštiti (Sl. novine Federacije BiH, broj 40/10) i Uredbe sa zakonskom snagom o ustanovama (Sl. list RBIH 6/92 i 8/93).

IV

Kratak opis poslova za radno mjesto računovođa- analitičar :

- obavlja poslove certificiranog računovođe
- vrši izradu finansijskih izvještaja u skladu sa zakonskom obavezom
- izrada preliminarne mjesečnih finansijskih izvještaja
- izrada finansijskih izvještaja, analiza, informacija o poslovanju na zahtjev nadležnih institucija, banaka i sl.
- izrada i kontrola poreskih prijava u skladu sa poreskim zakonima
- kontroliše zakonitost i ispravnost dokumenata u materijalno-finansijskom poslovanju
- saradnja sa nadležnim institucijama (AFIP, poreski organi i sl.)
- vrši poslove izrade izvještaja, ekonomsko-statističkih pregleda i analiza
- učestvuje u izradi plana rada i poslovanja ustanove
- obavlja i ostale poslove računovođa- analitičar propisane Pravilnikom o radu Poslodavca.

V

Radni odnos zasniva se na neodređeno vrijeme, uz probni rad.
Probni rad traje 3 mjeseca.

VI

Uz prijavu na oglas (prijava sa biografijom koja je potpisana od strane podnosioca) na radno mjesto računovođa- analitičar, kandidati su dužni priložiti i slijedeće dokaze o ispunjavanju općih i posebnih uslova:

1. Uvjerenje o državljanstvu, ne starije od 6 mjeseci računajući od dana objave oglasa,
2. Izvod iz matične knjige rođenih (dokument koji nema ograničen rok važenja),
3. Diploma o stečenoj stručnoj spremi,
4. Certifikat računovođe,
5. Dokaz o radnom iskustvu izdat od poslodavca kod kojeg je ostvareno radno iskustvo (potvrda ili uvjerenje).

Prijava sa biografijom koja je potpisana od strane podnosioca, mora da sadrži adresu stanovanja, broj telefona i e-mail adresu kandidata.

Dokazi se prilažu u originalu ili ovjerenim fotokopijama.

Dostavljena dokumentacija, ne vraća se nakon okončane procedure.

VII

Integralni tekst javnog oglasa biti će objavljen na web stranici Doma zdravlja Zavidovići i web stranci osnivača-Grada Zavidovići, dok će u dnevnom listu Oslobođenje biti objavljena samo obavijest o javnom oglasu.

VIII

Sve kandidate čije su prijave uredne, potpune i blagovremene, Direktor će o terminu i mjestu održavanja stručnog ispita, obavijestiti dostavom skenirane obavijesti na e-mail adresu kandidata najmanje pet dana prije održavanja stručnog ispita, a istu obavijest Dom zdravlja će postaviti na web stranicu Doma zdravlja i oglasnu tablu Doma zdravlja.

Protekom roka od pet dana od dana dostave skenirane obavijesti na e-mail adresu kandidata, odnosno postavljanja obavijesti na web stranicu Doma zdravlja i oglasnu tablu Doma zdravlja, smatra se da su svi kandidati uredno obaviješteni.

Dom zdravlja nije odgovoran i ne snosi posljedice neuredne dostave ukoliko su kandidati dostavili pogrešnu e-mail adresu ili ako usljed previše podataka na kandidatovom e-mailu, poslani e-mail od strane Doma zdravlja, zbog nedostatka memorije/prostora za pohranu, bude automatski vraćen na e-mail adresu Doma zdravlja.

U slučaju iz predhodnog stava, Dom zdravlja neće ponovo, putem pošte, slati obavijest kandidatu.

IX

Izabrani kandidat će biti u obavezi da, u roku od 15 dana od dana zaprimanja obavještenja o njegovom izboru kao najboljeg kandidata, dostavi ljekarsko uvjerenje o zdravstvenoj sposobnosti za zasnivanje radnog odnosa na radnom mjestu računovođa-analitičar.

Ukoliko kandidat, u ostavljenom roku, ne dostavi ljekarsko uvjerenje smatrat će se da je odustao od zaposlenja.

X

Prijave na javni oglas, podnose se na adresu Doma zdravlja, Javna ustanova „Dom zdravlja“ Zavidovići, Ul.Gazi Husrev-begova 25, 72220 Zavidovići, ili lično u Dom zdravlja u zatvorenoj koverti, sa naznakom „NE OTVARAJ- PRIJAVA NA JAVNI OGLAS ZA RADNO MJESTO (RAČUNOVOĐA- ANALITIČAR).


Na koverti se obavezno navodi ime, prezime i adresa pošiljaoca.

Neuredne, nepotpune i neblagovremene prijave, Komisija za izbor kandidata za prijem u radni odnos će odbaciti.

Rok za podnošenje prijava je 8 dana od dana objavljivanja obavijesti o javnom oglasu u dnevnim novinama Oslobođenje, na web stranici osnivača-Grada Zavidovići, web stranici Doma zdravlja Zavidovići i web stranici JU „Službe za zapošljavanje Zeničko-dobojskog kantona“, računajući od njegove posljednje objave.

Pripremila:

Smajić Amra, dipl. pravnik



DOSTAVLJENO:

1. Web stranica Doma zdravlja Zavidovići
2. Web stranica osnivača-Grada Zavidovići
3. Web stranica JU „Službe za zapošljavanje Zeničko-dobojskog kantona
4. a/a



DIREKTOR:

Hadžić Amir, spec.
diagnostičke radiologije